

分別道義故曰文字言說皆号佛言不壞法界志一味慧是謂菩薩分別經本故曰文字言說皆号佛言其有如應順于法慧是謂菩薩分別順寂故曰文字言說皆号佛言其有說慧無處無著是謂菩薩分別曉了是故龍王一切諸法莫不歸此分別四義菩薩解四

義者文字言說諸所歸趣身有所在莫不誘進皆入佛教是故無著本無所住於百千劫有所言說無能制者所以者何是名曰無盡藏摠持門也假使菩薩逮斯持者說無盡句善順於教棄去來瑕如應無倚莊嚴百千真妙之句忍於本淨將護不亂尊卑之義曉了

平等光曜所有塵勞瞋恚入一切行而順解脫八萬四千諸根尋如所應善講本性而為說法不盡八難音聲諸法亦無有盡及譬喻慧三世無盡及報應果願可盡耶經典順普可盡耶心之所入可盡耶因緣愚跡可盡耶順在愛欲可盡耶發于所持可盡耶說乘所

處可盡耶分別法處可盡耶深妙雜句可盡耶至於究竟可盡耶逆順之言可盡耶名字之訓可盡耶歎佛法眾可盡耶宣說正諦可盡耶佛道法品可盡耶罪福所應可盡耶講度無極可盡耶佛語龍王是名曰所說無盡故号無盡法藏

為摠持門也

海龍王經卷第一

十八

得一

翅反施智恬反 靡反苗彼 泡沫下上音拋 妓反古哀

諛諂朱上反 鞞字硬 調戲引反 黠開入反 希望下

七陰蓋上反 去慌反 廣蔽反 獨俱反 玄潭然正

海作

海龍王經卷第二

得二

西晉太康年三藏法師竺法護譯

摠持品第五

佛告龍王有四事法無盡之教無盡之藏為摠持也何等四分別無盡明慧無盡明智無盡摠持辯才無盡是為四復有四事難攝無

盡藏為摠持也何等四其性難攝道心難攝入法難攝入衆生行難攝是為四復有四堅固要無盡之藏為摠持也何等四所願堅固奉行堅固立忍堅固度於因緣所造堅固是為四復有四所說無盡之藏為摠持也何等四講諸至誠講諸緣起講衆生行講諸乘本無慧是為四復有四光無盡之藏為摠持也何等四照于法界照于智慧照于慧明照于如應之所說法是為四復有四上曜無盡之藏為摠持也何等四精進為上禁戒修行勤力為上求積功德為上合集求慧為上是為四復有四無窮無盡之藏為摠持也何等四求諸度無極而無窮極不厭生死而無窮極開化度人而無窮極求諸通慧而無窮極是為四復有四無厭無盡之藏為摠持也何等四佛前聽經而無厭足為人說經而無厭足求諸德本而無厭足供養如來而無厭足是為四復有四無能勝者無盡之藏為摠持也

何等四一切塵勞亦無能勝一切諸魔亦不能勝諸外異道亦不能勝一切怨敵亦不能勝是為四復有四無習無盡之藏為摠持也何等四不習聲聞緣覺之乘不習一切供養之利不習一切諸所著求不習一切諸凡夫行是為四復有四無得無盡之藏為摠持也何等四不得所生不得開化惡戒之人不得說經在於有為為上大乘不得乞求是為四復有四力無盡之藏為摠持也何等四忍力忍於一切所作衆惡慧力蠲除一切衆生疑結神通力見一切衆生心之所念善權力為一切人如應說法是為四復有四藏無盡之藏為摠持也何等四不自侵欺不斷三寶是則大藏入於無量之法是則大藏得一切心隨其所志是則大藏慧等如空是則大藏是為四復有四無極無盡之藏為摠持也何等四博聞無極智慧無極所願無極順衆生說無極是為四菩薩復有四事不自侵至無

得二

二

盡之藏為摠持也何等四說法不自侵說至誠不自侵順法行不自侵得至道極不自侵是謂四復有四事得無所畏無盡之藏為摠持也何等四不畏惡趣不畏衆會不畏決疑不畏失佛道是為四無盡之德為摠持也佛告龍王是無盡藏摠持說德無量入無極

慧集菩薩行所可由慧光曜莊嚴菩薩所求菩薩財寶所入法藏入摠持門分別言教嚴身口意得淨諸國合集自在護念正道入衆生敷慧化導正法力精進具諸度無極嚴淨道場逮諸佛法是謂無盡之藏摠持其有文字名号之數及佛法諸數遊于正法皆來歸

斯無盡之藏為摠持也菩薩入斯於諸文字無所分別諸法清白不壞本淨故樂一切法不侵樂法故究竟諸法所志諸法亦無侵欺一切眼法不侵諸法明故諸法假号不侵會法故以逮諸法不侵行精進故諸法調定於柔順法無所侵故諸法說之無侵光曜焚燒

諸法於無起法而無侵故信一切法於所好法亦無侵故說一切法於諸言教無所侵故諸法本無於無趣法而無侵故諸法審諦等三世法亦無侵故諸法常住於不動法亦不侵故諸法有哀隨本所樂而為現法故諸法悉等說無差特故諸法求跡示現諸法至平

得二

三

等故諸法所至示現入深道門故諸法至力現諸上法故諸法愚冥為現智明故懷來諸法示現諸法無所亡失故摠持諸法示現諸法為無盡故諸法寂然現憚怕故諸法虛空而為示現廣普之法故諸法無明現癡本故諸法悉住現所立處諸法入慧現離癡法故諸法入也而為示現分別諸法故諸法離有而為示現離所有法故諸法有難而為示現諸法取穢故諸法常念而為示現宿命事故諸法有緣示現諸法而有侵故諸法入志而為示現寂諸亂故諸法極重而為示現無所動法故諸法住處而為示現衆法界處故諸

法導師而為示現審諦之法故諸法致果而為示現志無所念故諸法唯陰而為示現蠲除五陰諸法苦患故諸法生死示現諸法無塵故諸法空寂示現諸法無所倚故諸法如固示現諸法斷衆固故諸法寂滅示現諸法斷因緣故佛語龍王是名曰文字緣會無盡藏摠持菩薩得是分別一切文字所與譬如文字而不可盡諸法所說不可盡亦復如是譬如文字亦不從身出不從心出諸法如是不可知處不住在身不住在心譬如文字無所依倚而求解脫塵勞之事亦無所淨菩薩已得無盡藏摠持雖說塵勞不著塵垢究竟本淨譬如文字不合在身然為他人有所解說諸法如是有所發起教心清淨如文字有所說時無所至湊無所言時不處在內諸法如是假使說時無所至到設不說時不積在內如文字無色無見而現在外諸色如是無色無見由心因緣而有退轉如文字虛空自

在寂寞悉以恍惚無作字者諸法如是虛靜寂寞無有造作如文字不出染汗瞋恚愚癡又因文字而有音教諸法如是不出染汗貪駭之惑由從想念起姪怒癡如文字因諸會緣說得果證文字無得亦無有證諸法如是因其緣對說有果證計於本法無果無證譬如諸法無果無證如諸法無不因文字諸行如是所有諸法皆由佛道

得二

摠持身品第六

佛語龍王菩薩已住無盡藏而以文字求於佛道摠持文字力也歸趣文字身也滅盡像色也入法門頂也觀瞻額也慧眼眼也天耳耳也說名字鼻也制亂意眉間闕庭也攝一切心面也解喻一切可衆生心舌根也調定其心齒也師子觀奮迅髦也藏匿空語脣也觀一切法咽也勉出衆生令其歡悅肩也端正所講脾也察諸法等腹也入於深門齋也入左右路掌也合會諸法臂也十善之句為

善救護指也清淨法銅爪也來致虛無之念
脇也次第講法脊也說不侵時無所爲度屍
也具足寂觀髓也趣審諦法膝也曉知一切
踣也心意寂然足趺也遊到十方足心也次
第說諦步也知羞慙耻衣也法鬘莊嚴傳飾
也法樂若干卧具也說種種法枕也不瞋不
誣塗香也所行如應無所不了雜香也入深
戒說香也於諸法自在眷屬也嗟嘆梵跡則
親友也使得安隱衆知識也斷諸結縛開化
衆人則親昵也曉了諸事家室也其心清淨
母也一切巧便無所依信慧父也諸通慧心
從等也施度無極漿食也戒度無極泰安也
得二

王在於中宮如天帝釋在須彌頂威神巍巍
如梵天尊豪貴自在如燕居阿須倫難可制
持如海無邊功德超殊如寶大山天所娛樂
如父母獨有一子愛重無極如月盛滿衆星
獨明莫不稽首如世尊爲天世人奮大光明
如日初出光曜柔和如孔雀在林樹間放妙
音聲如師子在巖窟中服美飲食如龍心意
調和以時澍雨如轉輪王大法化國如衆龍
舞動發震雷亦如龍王已得自在降大法雨
如天帝釋撫化一切諸外異道如勇猛將摧
伏嚴敵除諸勞垢降納衆魔如水消火如風
靡草心計如地開化萌者順化衆生如火焚
草皆忍苦樂猶如乳母養長者子療治衆病
持心堅強具衆人願如如意珠王摠持諸寶
佛語龍王其有菩薩住無盡之藏摠持門者
則可謂入佛之道場亦如大海含受衆寶諸
珍篋府無盡之藏摠持如是苞弘諸法道寶
篋藏如無數香篋令無量人恣意所欲菩薩

已住無盡之藏摠持門者以真妙言開化一切令各得所是摠持者入一切聲此土名道心者彼無盡世界佛一寶蓋如來國曰目前此名諸通慧者彼超得度世界道龍王如來佛國曰普達此名施度無極者彼寂定世界吉祥如來佛國曰精氣此名戒度無極者彼無憂世界離憂如來佛國曰多安此名忍度無極者彼無垢世界離垢如來佛國曰無盡句此名進度無極者彼普明世界無垢光如來佛國曰上度此名禪度無極者彼導御世界堅要如來佛國曰寂行此名智度無極者彼陰兩世界兩王如來佛國曰清淨此名善權方便者彼尊調世界離垢臂如來佛國曰隨習俗宜此名慈哀喜護者彼豐盛世界吉祥義如來佛國曰憐傷仁攝彼我二寂此名苦集盡道者彼無悅世界首寂如來佛國曰本原由根原盡歸本此名四意止者他方世界曰無止此名四意斷者彼曰上勝此名神

足者彼曰超步此名五根者彼曰悅原此名五力彼曰堅強此名覺意彼曰無冥此名八由彼曰所度此名分別彼曰自見此名護御彼曰隨順此名法施彼曰善攝此名寂觀彼曰定察此名脫門彼曰離癡此名功德彼曰嚴辯此名智慧彼曰了便此名棄家彼曰修行此名具戒彼曰無犯此名安隱無為彼曰寂滅度此名曰嘆佛無量彼曰佛眼放光佛語龍王計諸佛國音聲言訓若干種教菩薩若逮無盡之藏皆知一切諸佛之土所說音聲文字所誨佛以一劫若過一劫讚歎有為言說章句之教十方所說不能究竟諸佛國土音聲義也佛說是無盡之藏摠持門時六萬菩薩皆得摠持八千菩薩得不起法忍三萬二千人皆發無上正真道意摠持門呪品第七爾時佛告龍王菩薩以是離諸幽冥之結趣諸通慧往古不可計無央數劫不可思議彼

得二

七

時有佛号曰梵首天王如來至真等正覺明
行成爲善逝世間解無上士道法御天人師
号佛世尊世界曰集異德劫名淨除彼時集
異德世界豐盛安隱五穀自然快樂無極天
人繁熾如我此土百億四域合爲一佛國則
爲彼土一大四域如是之比百億須彌山此

梵首天王如來集異德世界廣大無邊乃如
茲乎其世界如金剛光明摩尼之寶自然常
普大明以寶交絡周而覆蓋懸繒撞幡百千
妓樂於虛空中不鼓自鳴其妓樂音普聞佛
土彼妓樂音不出姪怒癡欲之音聲也唯演
寂然恬怕法樂歡喜之音諸天人人民聞樂音
者則逮一心寂定安隱宴然不爲塵勞之所
危害也其土平等如柔輦衣無有惡趣音聲
誨也天人清淨皆解微妙志于大乘少求聲
聞緣覺之乘心有所念衣食室宇所欲隨意
悉自然至天人一等無有窮厄匱乏者也衣
服飲食如堯術天上其國所有等無差特其

如來壽命滿六十七萬二千歲其土人民壽
亦復如是無中天者佛土菩薩七十二那術
聲聞甚少

爾時有轉輪聖王号無盡福王十六四天下
其無盡福王有八十四那術夫人如天玉女
有四太后一名離垢二曰無垢光三曰清淨
四曰淨句子有八萬四千皆大猛勇身相有
八端正姝好皆志大乘彼時無盡福王處於
大城名曰具樂其城東西長二千四百四十
里南北亦爾梵首天王如來興於彼國無盡
福王建立精舍植大林樹各上香光蘭佛所
遊止城之中央造王宮殿七寶合成城中八
萬四千街巷八萬四千欄楯一一街巷有八
萬四千家居其大城壁七重七重欄楯七重
行樹七重交露繞城有萬遊觀園其塹七重
滿八味水生青蓮紅蓮黃蓮白蓮皆有美香
駕鸞鳧鴈相隨而鳴其城如是名等無量不
可思議王供養佛奉進所安衆事具足無所

得二

八

乏少於百千歲不可稱限率其宮中子孫親族友黨眷屬國中人民往詣上香光叢林見梵首天王如來誓首佛足退住一面佛告王

曰有四事為大國王君子聖主猶得自在與眾不同增益善法何等為四立於篤信數詣賢聖樂欣請益求德慕義以法自娛常觀無

常苦空非身之法觀世所有有為之法皆歸離別自攝其心入無放逸覺察欲樂無所僥羨不可虧斷宿世福德不廢道心務志妙慧是為四事大國聖主猶得自在與眾不同無盡福王白世尊曰菩薩有幾法而得自在佛告王曰菩薩有八法而得自在何謂為八得

五神通以自娛樂未曾有退無所罣礙併除瞋恨而無害心具暢聖慧攝乎道明所作已辦見得叡達誠信神足拔諸所有智慧聖明捨離一切邪見塵垢得四解明佛所建立無著不住具足力處逮乎無盡福海印三昧能悅眾生攝御一切諸佛之教以成摠持其心

清淨所聞不忘應如所欲亦為說法入一義味住於本際不計吾我不起法忍是為八事菩薩而得自在

佛告王曰又有摠持名曰寶事菩薩逮得此摠持者於法自在時佛為王說寶事摠持之慧滿百千歲普分別義王捨國事一切眾緣

得二

九

專精一心及與眷屬聽受道化於百千歲未曾想欲無瞋恨意不念想害不顧妻子國土眷屬一切所有永不以計唯願法樂立志佛道大慈清淨等心一切而行大哀被大德鎧而聽受法如是之比具百千歲受佛誨已因此寶事摠持之要所作則辦越七百萬劫終

始之患積十萬劫除諸罪殃見億百千佛從受德本於恒沙等作天帝釋若為梵天轉輪聖王積功累德以清淨心志御諸法因心不亂聞百千佛受法不忘時王諸子皆悉逮得柔順法忍中宮姝女八萬四千普發道意為菩薩學八萬四千人逮得法忍九十那術諸

天人民皆發無上正真道意三十六那術學
 聲聞乘得法眼淨萬六千比丘漏盡意解無
 盡福王棄國捐王不慕天上世間諸樂唯志
 無上正真之道因家之信出家為道而作沙
 門諸子亦然皆作沙門時國人民見王棄國
 六萬人悉為沙門中宮姝女四夫人亦為
 沙門佛教清淨寂然安隱植諸德本衆行具
 足佛言龍王爾時無盡福王轉輪聖帝非是
 餘人則爾身是也爾時轉輪聖王諸子今此
 會中諸菩薩大士是也時彼梵首天王如來
 為王無盡福所說寶事摠持則今佛所說無
 盡藏摠持是佛語龍王今如來以無著慧觀
 察人本而為說法從無央數百千億那術諸
 佛聞無盡藏摠持以此數聞之故今乃如斯
 志念強勇獨步無礙辯才難及志懷智慧若
 有菩薩聞是無盡藏摠持之名其有說者皆
 當逮得無著辯才所以者何由是摠持後當
 來世是離垢摠持所流布處皆是如來之所

建立八萬四千法藏是摠持門為首面也八
 萬四千行皆來歸於摠持八萬四千三昧皆
 從摠持八萬四千摠持無盡之藏摠持為本
 原佛語龍王假使菩薩無住無著於四解義
 則降大法雨皆來依倚此無盡之藏此無盡
 之藏摠持所入正句次第順章諸天龍神香

音神無善神鳳皇神恬柔神皆共營護

緣應意 隨順意 欣慈樂跡 直意 越

度 無盡句 次第 曜面 光目 光英

志造 淨意 行步入 勇力 濟冥

所持為上 寂門 入寂滅 離塵離居

居善隨順 離次 無所至 所住 無所

住 至處 無至處 要御 速智 慧根

轉本根 月光 日轉 炎光 善離垢

無垢 淨諸垢 覺所建立 諸天祐護

諸魅告乘 梵知化 釋咨嗟 四天護

衆聖愛 仙人歸 諸姓修行 解牢獄

縛 天人所攝 捨諸塵勞 破壞衆魔

降伏外道 攝欲明智 開化自大 不犯
 法師 不亂眾會 悅可樂法者 護於法
 音 不斷三寶 慈愍眾生 讚慕德義
 佛告龍王是諸法句為護無盡之藏揔持其
 有法師受是章句六十二事若諷誦者得三
 十二無諸所畏何謂三十二博聞無畏咨嗟
 他人處處無畏言無缺短如應無畏棄捐鄭
 重畏無所畏隨音所入辯才無畏無所罣礙
 其心無畏奉受道心其志無畏歡悅眾人行
 步無畏速決狐疑覺意無畏觀察眾人無闕
 無畏言行相應無沒無畏戒禁清淨心面無
 畏忍辱清淨堅強無畏於審諦願而不轉還
 所處無畏心不謬亂辯慧無畏能悅眾會智
 慧無畏知深妙法降化無畏離於調戲師子
 無畏伏諸外道無受無畏無衣食悅無厭無
 畏降伏眾賊令住正見無罵無畏智者不毀
 導御無畏不亂眾經說等無畏隨時而教無
 諂無畏言行相應離慢無畏敬一切人謙順

得二

十一

無畏於無盡句本行修善發遣所問無畏開
 化一切無量法教隨眾無畏己身淨故降魔
 無畏 除諸塵勞大慈無畏心不懷害大哀
 無畏將護眾生智慧無畏以法治國
 佛語龍王菩薩聞是無盡之藏揔持歡喜信
 受便得三十二無畏假使不斷是三十二無
 畏稍稍漸成如來四無所畏佛之所有無所
 畏諸天人前為師子吼恣聽一切所可欲問
 都無有人能來窮極如來之智亦不敢斷佛
 所說是故菩薩欲致是無所畏者當學行無
 盡藏揔持何所是揔持所學行無眼行無色
 行無眼色識行無耳行無聲行無耳聲識行
 無鼻行無香行無鼻香識行無舌行無味行
 無舌味識行無身行無細滑行無身細滑識
 行無心行無法行無心法識行無色行無色
 生行無色滅行無色處行無痛想行識行無
 識行無識生行無識滅行無識處行一切無
 行是應揔持行

復次龍王其行色空心不空色是應摠持行
痛想行識其行識空心不空識是應摠持行
復次其無想色行不念無想行是應摠持行
痛想行識亦復如是其無想識行不念無想
識行是應摠持行復次其不斷色行於色行
無行不色生行不色起行不色寂行色如諦

行色如本淨行亦不念色如諦本淨行是應
摠持行痛想行識亦復如是其不斷識行於
識行無行不識生行不識起行不識寂行識
如諦行識如本淨行亦不念識如諦本淨行
是應摠持行復次於種由法界行不想法界
行不想法界識入本淨空行不想本淨空是

得二

十一

應摠持行若一切法緣起之行不想緣起是
應摠持行不著諸法行不倚不著行是應摠
持行諸法如本無行不壞諸法本無之行若
於諸法住本際行不念本際住諸法行是應
摠持行復次其知貪欲行不於法界想念貪
欲行是應摠持行其知瞋恚行不於法界想

瞋恚行是應摠持行其知愚癡行不於法界
想愚癡行是應摠持行其知等分行不於等
分行於法界有所壞行若於八萬四千諸所
修行入于法界無若干行是應摠持行若行
若合行於行合行而無所行亦無不行所以
者何其行無量亦無所度亦無所想是故彼
行為平等行於平等行亦無所毀亦不有為
亦不無為亦不受亦無不受無處無住故曰
平等行菩薩行如是則得無盡藏摠持之門
也於是世尊則說頌曰

其人心意則清淨
悉解衆人之音聲

普入經卷度無極
得摠持時乃如是

觀知羣萌心所行
分別本淨所造與
悉了因緣之報應
皆以棄捐墮邊際
明解文字之方便
曉了義理微妙法

善惡所念及中間
則為說法隨所應
令不觀常及無常
分別摠持隨順化
知無央數之音響
得摠持者乃如是

得二

十三

速得天眼無垢汗
無量智慧知衆行
獲四神足亦如是
供無數億諸導師
若干數魔至百千
清淨之人無塵冥

天耳清淨亦如是
念億千劫去來事
至無量國須臾頃
聞所講法則摠持
一能觀知境界行
講說經法無數千

譬如蓮華不著水
常以解脫諸有無
持最色相而勇猛
進止安詳行無缺
天帝釋梵及護世
其心不以憍慢說

不倚世法亦如是
等心一切如虛空
衆人觀仰無厭足
愍傷羣萌故遊世
皆以恭敬誓首禮
得摠持時亦如是

口言柔軟如梵音
溫潤流利言得時
在於衆中無所畏
降伏一切衆庶人
其諛諂人難調化
聞彼聖明所說法

爲衆人說可其心
所可教化無所侵
爲師子吼妙無難
得淨摠持爲如是
與于憍傲而自大
即棄貢高誓首禮

入於本淨寂法界
以故所說無窮已
人之本性法界淨
解知本無人本無
所盡無盡不可知
覺了知是趣寂寞

以達義歸解諸法
分別文字知法律
曉衆生淨亦如是
所說經法無罣礙
無盡之事無能盡
則說無住億經卷

斯諸文字不處身
文字本性空寂寞
計摠持者不著字
以知文字所趣然
無意無想亦無心
又復解知去法慧

亦不在意不住心
譬如山中呼聲響
無意無言無說聲
假使所說無罣礙
設有所說無所念
講順說經隨所應

以入分別四句義
究暢音聲順所聽
翫習本原承其慧
所解之慧了逆順
方便所有諸怯弱
明識所作為解說

曉了義理明識法
故講無著不可量
故說深要若干法
有趣頂法度無極
以用救攝諸卒暴
得摠持者乃如是

得二

十四

其身口意皆已寂 分別諸慧不著有
所言無厭除瞋恨 得住揔持為勇猛
其所揔持心執御 意之所入住法慧
其有聞者未曾忘 順如聽采等經典
其揔持義法不亂 計法所之無所入
以法等故曰平等 如應平等順清淨

分別名品第八

佛說此章句偈時海龍王眷屬萬三千龍皆發無上正真道意則更啓白廣宣此言唯然世尊我等亦當逮是無盡之藏揔持也當為一切衆生之類廣說經法爾時賢者舍利弗白佛言至未曾有世尊乃令諸龍發無上正真道意人乃不能發大道也佛告舍利弗是萬三千龍迦葉佛時皆作沙門從迦葉如來一反聞菩薩行同時歡喜讚曰善哉善哉說大乘事不可思議與族黨知友俱行分衛貪利不順不護禁戒以是之故壽終之後墮於龍中彼時從迦葉佛聞大乘教讚迦葉佛因

由報應德本之緣今聞吾說咨嗟大乘讚無盡藏揔持皆發無上正真道意舍利弗觀是至心之奇特今吾授決恒沙等劫供養諸佛積累道品自致得成無上正真道号慧上智上法上梵上得成佛時以是四事号世界曰無垢藏劫名大欣皆同一劫得成無上正真

得二

十五

道最正覺猶如賢劫當興千佛

授決品第九

於是海龍王白佛言我從初劫住止大海從拘樓秦如來興於世來大海之中諸龍妻子眷屬甚少今海龍衆妻子眷屬繁裔弘多設欲計校不可窮盡唯然世尊如此云何有何變怪

佛告龍王其於佛法出家奉律行戒不具現戒成就違戒犯行不捨真見不墮地獄如斯之類壽終已後皆生龍中佛語龍王拘樓秦佛時九十八億居家出家違其禁戒皆生龍中拘那含牟尼佛時八十億居家出家毀戒

恣心壽終之後皆生龍中迦葉佛時六十四億居家出家犯戒壽終之後皆生龍中於我世中九百九十億居家出家若干闍諍習若干行誹謗經戒皆生龍中今有生者

佛語龍王以是之故仁者大海中龍諸妻子眷屬不可稱計我般泥洹後多有惡比丘惡

優婆塞違失禁戒當生龍中或墮地獄海龍王白佛言於今棄家為道犯戒比丘墮於龍中者有何殊特佛言棄家學行於今犯戒比丘墮龍中者行於方便不能清淨又有至心信於佛法以至心力龍中壽終生天上人間當見賢劫所興諸佛皆當見之假使不以解

脫者悉於跋陀劫泥洹除志大乘者龍王且觀佛教廣大因緣出家之奇特棄諸惡法得超異類爾時有龍王子号曰威首前白佛言至未曾有世尊親近如來難值難聞雖有所毀作眾罪殃發一善意心念佛法終不失德緣是之行至得滅度今我願發無上正真道

意用佛世尊難值難聞今菩薩行無有違缺至千道場莫使心中忘失德本大慈大哀大喜大護所生之處常見諸佛得聞經法供養眾僧開化眾生時世尊告威首龍王子曰善哉善哉仁者之間乃發救護一切之心今汝至心興無極哀而起道意緣彼德本如來嗟

得二

十六

嘆七日七月若至一年為功德福而不可盡所植善行乃如是也佛見威首龍王子心之所念即時欣笑諸佛笑法無央數色色各異光光從口出照不可計諸佛世界遶身三匝還從頂入爾時賢者阿難以偈讚佛

百福功德莊嚴身 體諸相好三十二

清淨無垢如月光 今之所笑何歡欣

淨無塵埃離三垢 如百葉華行無倦

天人龍神所恭敬 安住今者何因笑

善哉平等齒普淨 十力威曜面香潔

已除生死之根原 今者世尊笑何感

心如虛空無瑕穢 意等善友及怨家

持志如地無憎愛 惟願世尊笑何欣

音聲所講踰梵天 猶雷哀鷲微妙響

所語柔輒莫不歡 惟願世尊笑所因

心於聖慧無所著 知三世人意所行

解衆人根得喜悅 導師今笑爲何感

以爲成醫王 療治衆生病 能施究竟安

世尊笑何緣 護德爲我說 諸天人民聞

皆當懷喜踊 即志諸通慧

佛告賢者阿難寧見威首龍王子住於佛前

至意發無上正真道不阿難對曰唯然已見

佛言是威首龍王子過八百不可計會無央

數劫當得作佛号慧見如來至真等正覺世

得二

十七

界名淨住劫曰明察是龍王子至誠奉行菩

薩之道見無央數諸如來供養奉事當修梵

行開化度脫無量衆生使立三乘慧見如來

淨住世界豐熟安隱五穀平賤快樂難量天

人充滿猶如焰天被服飲食其佛當壽百萬

歲賢聖衆僧聲聞有六十億菩薩百三十萬

慧見如來其有觀者皆得慈行三昧慧見如

來說經聲聞行者若始見佛則得道跡再見

得往來三見得不還四見得無著志菩薩乘

者適觀慧見如來得柔順忍再見獲神通三

見得摠持辯才四見得不起法忍淨住世界

無毀戒者意淨無邪皆住正見壽終之後無

有惡趣悉生天上清淨佛土時威首龍王子

聞佛授決歡喜踊躍善心生焉奉百千珠瓔

用散佛上而又十指以偈讚曰

人尊無垢如月光 威神無量衆所奉

其力無限摠持勢 願誓首禮無邊慧

慈哀之聖不可限 寂智無瑕不可議

禁戒廣普住正定 誓首人尊如虛空

無量無限億劫數 所行究竟無可入

以故曉知諸衆生 心性所歸諸根本

若人觀觀尊顏容 一心察之無厭足

不爲塵埃之所惑 愛欲之穢皆滅盡

哀鷲拘夷諸鬼神 梵天之音亦如是

聲聞十方甚微妙
 譬若如日墜於地
 虛空尚裂地反覆
 世尊至誠以諦說
 吾無狐疑結網除
 十方無量億佛國
 滿中珍寶供導師

假使有人發道心
 前所植德不及此
 供養正覺德第一
 若人志發尊佛道
 則為報恩於十力
 用不斷此導師命

龍王子說此偈讚佛已十千人皆發無上正
 真道意悉說是言慧見如來速得最正覺時
 吾等同心共生淨住世界奉彼如來正法之
 教又供養之佛滅度後次補其處得最正覺
 佛皆授法悉當令生淨住世界

十八

得一

海龍王經卷第二
 怨敵徒上音寇下 倏怕下音拍 湊倉奏反 駮語楷反 奮
 迅上方問反 髦音毛 脾音米 脅虛業反 脊音背

尻音力反 髓毗忍也 蹄時軟反 脛反 腸音 澍注音 儻字
 摩彼上苗反 苞必交反 繒疾反 輻二同 匱求
 天於小反 壅七反 鳧上音扶 僂居堯反 叡俞歲反 儻聖
 也明也 鎧苦亥反 魅眉二反 謬苗勿反 滑音 八音 儻傲
 告下音 埃哀反 荊井反 裔胡計反

海龍王經卷第三

得二

西晉太康年三藏法師竺法護譯

請佛品第十

爾時海龍王白世尊曰唯佛加哀諸天龍神
 及無量人令致安隱至于大海詣我宮中屈
 神小食所以者何大海之中有龍鬼神香音
 神及餘無數衆生之類見如來已皆植德本
 悉當往會因聞法音除斷無底生死之源吾
 等龍宮亦蒙其恩天上世間緣得度脫如來
 普現佛大道心今我等身近道品法佛愍龍
 王默受其請及無量人悉當廣植衆德之本
 時海龍王見佛就請歡喜踊躍誓首佛足右